

Lungzanh Yen Yungzhoz Gvanghcaij Yozyau:

Gouzsaeed Gaenxhwnj Haenqguh Cuengh Gun Sonhag

隆安县荣和光彩学校: 求真务实致力壮汉双语教学

□ bonjbauq gicej Mungz Sugij

Yungzhoz Gvanghcaij Yozyau dieg youq mbiengjsae Lungzanh Yen Yengyangh Cin, yozyau caeuq "namzbaek" ngeihgaep goengloh doxnem, liz yienhsingz miz 12 goengleix. Yozyau ciemq dieg miz 20 moux, youq bi 1935 banhag, dwg aen yozyau lajmbanj ndeu. Seizneix miz ranz sonhag 1605 bingzmij, miz 3 aen nienzgaep (1-3 nienzgaep), 84 boux hagseng, dingz lai dwg lwgnyez louzsouj, 6 boux lauxsae, ndawde miz boux ndeu dwg bwnjgoh, 4 boux dwg daconh, boux ndeu dwg cunghconh. Gij baijbouh yozyau hableix, ndaw hag va、rum、faex heuswd mwncup, gyaundeix raixcaix, dwg aen dieg ndei lwghag hagsib he.


Yungzhoz Gvanghcaij Yozyau itcig swnjcienz gij yaufungh (gouzsaeed、haivat、gaenxhwnj、ceng aeu daih'it)、gyaufungh (doxgiet、gaenxgyaek、haivat、gienhawj)、yozfungh(roxhag、angqhag、vuedhag、laihag) daeuj banhag. Geij bi gvaqdaej, yozyau ndaej daengz gyauyuz bumwnz caeuq gak gaep dangvej cwngfuj cihciz caeuq bangcoh, diuzgienh banhag ndaej gajjbieng haujai. Yozyau seizneix miz aen laeuz sonhag ndeu, aen laeuz cunghab ndeu caeuq aen laeuz lauxsae youq ndeu. Ca mbouj geijlai ndaej muenxcuk sonhag caeuq swngghoz gyoengq lauxsae caeuq hagseng.

Youq sonhag ndawde, yozyau gaemndei gij hong cangzgeih guenjieix, sonhag cizlieng bi beij bi ndaej daezsang. Yozyau lingjdauj doxgiet gapguh, gaenx ra gij roen fazcanj yozyau haenx. Doengzseiz gaemndaet guenjieix, haenqrengz sawj aen yozyau mboujlwnh sonhag roxnaeuz gingjsaek cungj ndaej baiz youq baihnaj gij hagdangz lajmbanj.

Yozyau youq 1982 nienz hainduj yungh Sawcuengh Sawgun song cungj saw vah sonhag, genhciz gij yenzcwz "aeu Cuengh guhcawj, Cuengh Gun giethab, aeu Cuengh coi Gun, Cuengh Gun cungj rox", dangeiz, Cuengh Gun song saw vah sonhag hwnj ndaej gig swnhleih. Hoeng doeklaeng aenvih miz gak cungj yenzyinh, guh mbouj ndei doxciep, miz geij bi dwg dingzdingz duenhduenh ciep mbouj hwnj. Gaenx geij bi neix gvaqdaej, yozyau youh dauqcungz giphwnj Sawcuengh, okrengz bae ra gij mozi hab yozyau sonhag haenx. Daj 2012 nienz hwnj, yozyau hainduj youq yozcenzbanh guh Cuengh Gun sonhag ngeihloih mozi. Yozyau seizneix miz 6 boux lauxsae ndawde couh miz 4 boux dwg youq Gvangjsih Minzcuz Cungghconh bizyez, cungj dwg rox Sawcuengh, lingh song boux hix dwg bae camgya gvaq gyauyuzdingh gawjbanh aen ban Sawcuengh cogaep beizyin haenx le hag rox Sawcuengh.



▲ Hagseng camgya daengx gih siujhagseng byauhcuinj Vahcuengh dungxcaiz byauj-yenjdax.



▲ 2014 nienz, hagdangz ndaej gij cwnghauh miznaj.

Seizneix yozyau youq yozcenzbanh hai goq son Sawcuengh, it daengz sam nienzgaep moix aen singeiz cungj anbaiz miz song dangz Sawcuengh.

Geij bi neix daej, Lungzanh Yen Gyauyuzgiz hix yawjnaek Sawcuengh sonhag, moix bi cungj gawjbanh gij hozdung caeuq Sawcuengh mizgven haenx, caemhcaiq daiq lauxsae Sawcuengh daengz Dwzbauj caeuq Gveigangj daengj yienh(si) bae hagsib sonhag gingniemh. Yozyau lauxsae bae hagsib dauqma le, cungj aeu gij gingniemh Cuengh Gun song saw vah sonhag yozyau yienh wng giethab gij daegdiemj yozyau swhegij daej guh sonhag, aeundaiej cingzcik ndei. Yozyau baeznaengz baij Cuengh Gun lauxsae camgya daengx yienh gawjbanh gij hwnjdangz doxdax caeuq gangjgoq doxdax haenx, cungj aeundaiej cingzcik ndei dauqma. 2014 nienz, daengx yienh Cuengh Gun song vah gangjgoq doxdax youq Yungzhoz Gvanghcaij Yozyau gawjbanh, yozyau lauxsae camgya doxdax haenx aeundaiej cingzcik ndei; aen haggeiz 2014 buenqbilaeng youh youq ndaw yozyau guh Cuengh Gun song saw vah sonhag hwnjdangz doxdax, cingzcik hix gig ndei. Gyoengq lauxsae



▲ Ciet loegit, hagseng angq-cumcum camgya youzyenz hoz-dung.



▲ Lauxsae camgya daengx yienh Cuengh Gun song vah gangjgoq doxdax.



▲ Yienh gyauyuzgiz lingjdauj caeuq yienh Sawcuengh cij-daujyenz daengz yozyau cijdauj gunghcoz.

mboujdanh camgya ndaw yienh hozdung, Swcigih Gyauyuzdingh banh gij hozdung haenx hix cizgiz camgya, lumj lunvwnz doxdax、gangjgoq doxdax daengj, cungj aeundaiej cingzcik ndei. Mboujdanh dwg lauxsae camgya hozdung, gyoengq hagseng hix gig angq camgya gak cungj Cuengh Gun song saw vah hozdung, 2012 nienz, hagseng camgya ndaw yienh siujhagseng byauhcuinj Vahcuengh dungxcaiz byaujyenjdax, ndaej daih'it mingz, ndaej daiyauj daengx yienh bae Nanzningz camgya daengx gih siujhagseng byauhcuinj Vahcuengh dungxcaiz byaujyenjdax. Moix bi daengx gih gawjbanh gij hagseng byauhcuinj Vahcuengh gangjgoj doxdax haenx, hagseng yozyau cungj dwg cizgiz bae camgya. Gyoengq lwgnyez ndaej okrog bae camgya gak cungj hozdung, raen daengz gij seiqgyaiq hung, gak fuengmienh cungj ndaej daengz duenhlien caeuq daezsang, yienghneix lwgnyez sim'angq, boh-meh gyoengqde sim'angq, lauxsae sim'angq, ndigah baez miz hozdung, gij boh-meh hagseng caeuq vnzmbanj cungj gig haenndei caeuq cihciz.

Yozyau lingjdauj gig yawjnaek hong Cuengh Gun song saw vah



▲ Gij vunz miz simgyaez haenx daej yawj gyoengq lwghag.



▲ Yienh gyauyuzgiz lingj-dauj daengz hagdangz dingqgoq.



▲ Hagdangz gvangqlangh.

sonhag. Vihliux hawj gyoengq lauxsae daezsang gij suijbingz hwnjdangz swhegij, yozyau moix bi、moix aen haggeiz cungj baij lauxsae camgya gak cungj beizyin, daegbied dwg Swcigih Gyauyuzdingh gawjbanh gak cungj Cuengh Gun song saw vah beizyin. Yozcenzbanh lauxsae lienzdaemh geij bi camgya "angqhag Sawcuengh" beizyin, lij miz yijvwnz、suyoz guzgan lauxsae beizyin, banhcuijyin beizyin, saenqsik beizyin, Cuengh Gun song saw vah yozyau yaucaengj beizyin daengj. Lauxsae ndaej bae beizyin lai, sawj lauxsae sonhag gingniemh cuk, sonhag fuengfap lai, sonhag yaugoj hix lwenqda. 2013 nienz, yozyau bingz ndaej "Lungzanh Yen Yivu Gyauyuz Guenjieix Gunghcoz Youhsu Danhvei" aen cwnghauh miznaj neix, 2014 nienz, yozyau youh ndaej bingz guh "Lungzanh Yen Gyauyuz Hidungj 2013 Nienzdoh 'Senhcin Gyaugungh Ranziq'" aen cwnghauh najrongh neix.

Yungzhoz Gvanghcaij Yozyau ndaej gak gaep cwngfuj bumwnz cijdauj caeuq cihciz, yaek laebdaeb haenqguh gij hong Cuengh Gun song saw vah sonhag, siengsaenq baelaeng de yaek fazcanj ndaej ngoenz beij ngoenz ndei.